

摘藻堂四庫全書薈要

經部

可以見矣又曰玄四日半以為首而以四百八十七分
求合乎二十八宿之度加分而數定去踦贏而道勝吾
无憾焉爾

參同契

參同契者後漢魏伯陽之所作也蓋亦本之於易撰成參同契三篇復作補塞遺脫一篇大槩借易以明火候煉丹修養之法五代末孟蜀彭曉為之分章分三

篇為九十章

解義朱文公又隱名為之注讎定考辨正文

復為上中下三篇今錄序文及上中下數節以見一書之體而朱子論說并略具於左

參同契序

案神仙傳真人魏伯陽者會稽上虞人也世襲簪裾唯公不仕修真潛默養志虛无博瞻文詞通諸緯候恬淡守素唯道是從每視軒裳如糠粃焉不知師授誰氏得古文龍虎經盡獲妙旨乃約周易撰參同契三篇又云未盡纖微復作補塞遺脫一篇繼演丹經之玄奧所述多以寓言借事隱顯異文密示青州徐從事徐乃隱名而註之至後漢孝桓帝時公復傳授與同郡淳于叔通遂行于世公撰參同契者謂修丹與天地造化同塗故

托易象而論之莫不假借君臣以彰內外叙其離坎直
指汞鉛列以乾坤莫量鼎器明之父母係以始終合以
夫妻拘其交媾譬諸男女顯以滋主析以陰陽導之反
復示之晦朔通以降騰配以卦爻形於變化隨之斗柄
取以周星分以晨昏昭諸刻漏故以乾坤為鼎器以陰
陽為隄防以水火為化機以五行為輔助以真鉛為藥
祖以玄精為丹基以坎離為夫妻以天地為父母互施
八卦驅役四時分三百八十四爻循行火候運五星二

十八宿環列鼎中乃得水虎潛形寄庚辛而西轉火龍
伏體逐甲乙以東旋易曰聖人有以見天下之蹟而擬
諸其形容象其物宜公因取象焉非天下之至通其孰
能與於此哉乃其鑿開混沌擘裂鴻濛徑指天地之靈
根將為藥祖明視陰陽之聖母用作丹基泄一氣變化
之元漏大冶生成之本非天下之至達其孰能與於此
哉其或定刻漏分晷時簇陰陽走神鬼蹙三千六百之
正氣回七十二候之要津運六十四卦之陰符天闕在

掌鼓二十四氣之陽火地軸由心天地不能匿造化之
機陰陽不能藏亭育之本致使神變无方化生純粹非
天下之至明其孰能與於此哉契云混沌金鼎白黑相
符龍馬降精牝牡襲氣如霜馬齒似玉犬牙水銀與姤
女同名朱汞共嬰兒合體明分藥質細露丹形盡周已
化之潛功大顯未萌之朕兆非天下之至神其孰能與
於此哉其有假借文象寓此事端不敢漏泄天機未忍
祕藏玄理是以鋪舒不已羅縷再三欲罷不能遂成篇

軸蓋欲指陳要道汲引將來痛彼有生之身竟作全陰之鬼非天下之至仁其孰能與於此哉復有通德三光遊精八極服金砂而化形質餌火汞以鍊精魂故得體變純陽神生真宅落三尸而超三界朝上清而登上仙非天下之至真其孰能與於此哉曉所分真契為章義者蓋以假借為宗上下无準文泛而道正事顯而理微後世議之各取所見或則分字而義或則合句而箋无畎澮殊流因有妍媸互起末學尋究難便洞明既首

尾之議論不同在取捨而是非无的今乃分章定句所
貴道理相黏合義正文及冀藥門附就故以四篇統分
三卷為九十章以應陽九之數名曰分章通真義復以
朱書正文墨書旁義而顯然可覽也上卷分四十章中
卷分三十八章下卷分十二章内有歌鼎器一篇謂其
辭理鉤連字句零碎分章不得故獨存焉以應水一之
數喻丹道陰陽之數備矣復自依約真契撰明鏡圖訣
一篇附於下卷之末將以重啟真契之戶牖也曉因師

傳授歲久留心不敢隱蔽玄文是用課成真義庶希萬
一貽及後人也昌利化飛鶴山真一子朝散郎守尚書
祠部員外郎賜紫金魚袋彭曉序

上篇

乾坤者易之門戶衆卦之父母坎離匡郭運轂正輻牝
牡四卦以為橐籥覆冒陰陽之道猶工御者準繩墨執
銜轡正規矩隨軌轍處中以制外數在律歷紀月節有
五六經緯奉日使兼并為六十剛柔有表裏朔旦屯直

事至暮蒙當受晝夜各一卦用之依次序又曰天地設位而易行乎其中矣天地者乾坤之象也設位者列陰陽配合之位也易謂坎離坎離者乾坤二用乾用无交位周流行六虛往來既不定上下亦无常幽潛淪匿變化於中包囊萬物為道紀綱

中篇

朔旦為復




陽氣始通出入无疾立表微剛黃鍾建

子兆乃滋彰播施柔暖黎烝得嘗臨




爐施條開路


正光光耀漸進日以益長丑之大呂結正低昂仰以成


泰  剛柔並隆陰陽交接小往大來輻湊於寅運而


趨時漸歷大壯  俠列卯門榆莢墮落還歸本根刑


德相負晝夜始分夬  陰以退陽升而前洗濯羽翮


振索宿塵乾  健盛明廣被四鄰陽終於巳中而相

干姤  始紀序履霜最先井底寒泉午為蕤賓賓服

於陰陰為主人遯  去世位收斂其精懷德俟時栖

遲昧冥否  塞不通萌者不生陰伸陽屈沒陽姓名

觀  其權量察仲秋情任畜微稚老枯復榮薺麥牙

藥因冒以生剥  爛肢體消滅其形化氣既竭亡失

至神道窮則反歸乎坤  元恒順地理承天布宣

下篇

先白而後黃兮赤黑達表裏名曰第一鼎兮食如大黍
米自然之所為兮非有邪偽道若山澤氣相烝兮興雲
而為雨泥竭遂成塵兮火滅化為土若藥染為黃兮似
藍成綠組皮革煮成膠兮麴藥化為酒同類易施功兮

非種難為巧惟斯之妙術兮審諦不誑語傳於億世後
兮昭然自可考煥若星經漢兮曷如水宗海思之務令
熟兮反覆視上下千周燦彬彬兮萬遍將可覩神明或
告人兮心靈乍自悟探端索其緒兮必得其門戶天道
无適莫兮常傳與賢者注先白金吐液後黃液變黃牙
赤黑水火號金砂黃牙第一鼎

日夜一黍米三年白日沖天鼎中水火
運用各歸於土藥在胎內變易无定貌

龍虎上經

神室者丹之樞紐衆石之父母砂汞別居出陽入陰流

耀二方列數有三棲像水火制由王者武以討叛文以懷柔土德以王提劒偃戈以鎮四方坎離數一二南北獨為經故冠七十二石之長剛柔有表裏陰陽稟自然金火當直事金水相含受雄雌并一體用之有條理變化既未神終則復更始初九為期度陽和準旦暮周歷合天心陽爻畢於巳正陰發離午自丁終於亥水火列一方守界成寒暑東西表仁義五行變四時如是則陰陽互用順三一而得其理神室設位變化在手其中矣

神室者上下釜也設位者列雌雄配合之密也變化謂砂汞砂汞者金土之二用二用无定位張翼飛虛危往來既不定上下亦无常獨居不改化歸中宮包囊衆石為丹祖宗有无相制朱雀炎空紫華曜日砂汞沒亡訣不輒造理不虛設約文申奧叩索神明演爻徵卦五行為諷坎雄金精離雌火光金火相伐水土相剋土王金鄉三物俱喪四海輻湊以置太平並由中宮土德黃帝之功金火者真鉛也丹術著明莫大乎金火窮微以任

化陽動則陰消混沌終一九寶精更相持合有三百八十四銖銖據一斤斤謂十六兩也金精一化青龍受符當斯之時神室鍊其精火金相運推雄陽翠玄水雌陰緒黃金陰陽混交接精液包元炁萬象憑虛生感化各有類衆丹之靈跡長生莫不由於是元君始鍊汞神室含洞虛玄白生金公巍巍建始初冠三五以相守飛精乃濡滋玄女演其序戊己貴天符天符道漸剥難以應玄圖故演作丹意乾坤不復言丹砂流汞父戊己黃金

母鍾律還二六斗樞建三九赤童戲朱雀變化為青龍
神初變成震三日月出庚東西分卯酉龍虎自相尋坤
再變成兌八日月出丁上弦金半斤坤三變成乾十五
三陽備圓照東方甲金水溫太陽赤髓流為汞姤女弄
明璫月盈自合虧十六運將滅乾初缺成巽平明月見
辛乾再損成艮二十三下弦下弦水半斤月出於丙南
乾三變成坤坤乙三十日東北喪其朋月沒於乙地坤
乙月既晦土木金將化繼坤生震龍乾坤括始終如上

三十日坤生震兌乾乾生巽艮坤八卦列布曜推移不失中調火六十日變化自為證神室有所象鷄子為形容五嶽峙潛洞際會為樞轄發火初溫微亦如文動時上戴黃金精下負坤元形中和流汞情參合應三才乾動運三光坤靜含陽氣神室用施行金丹然後成可不堅乎煉化之器包括飛凝開合靈戶希夷之府造化泉窟陽氣發坤日晷南極五星連珠日月合璧金砂依分呼吸相應華蓋上臨三台下輔統錄之司當密其固詰責

能否火煉中宮土金入北方水土金三物變化六十日
自然之要先存後亡或土數多分兩違則或水銖不定
同處別居剛柔抗行不相涉入非火之咎譴責於土土
鎮中宮籠罩四方三光合度以致太平五藏內養四肢
調和水涸滅影含曜內朗金水相瑩閉塞沈耀調火溫
水發之俱化道近可求水土獨相配翡翠生景雲黃黑
混其精紫華敷太陽水能生萬物聖人獨知之金德上
白煉鉛以求黃色焉感位生中宮黃金銷不飛灼土煙

雲起有無互相制上有青龍居兩无宗一有靈化妙難
窺鍊銀於鉛神物自生銀者金精鉛色北靈水者道樞
其數名一陰陽之始故能生銀鉛化黃丹寄位五金為
鉛外黑色稟北方內懷銀精被褐懷玉外似狂夫銀為
鉛子子隱鉛中鉛者銀母子藏母胞素真眇邈似有似
无灰池炎灼鉛沈銀浮潔白見寶可造黃金殼為金精
水環黃液徑寸之質以混三才天地未分混如雞子圓
高中起狀似蓬壺關閉微密神運其中爐竈取象固塞

周堅委曲相制以使无虞自然之理神化无方磁石吸鐵隔礙潛通何況雞子配合而生金土之德常與汞俱火記不虛作鄭重解前文丹術既著不可更疑故演此訣以附火記庶使學者取象无惑焉

朱文公書參同契考異後

右周易參同契魏伯陽所作魏君後漢人篇題蓋放緯書之目詞韻皆古奧雖難通讀者淺聞妄輒更改故比他書尤多舛誤今合諸本更相讎正其間尚多疑晦未

能盡祛姑據所知寫成定本其諸同異因悉存之以參訂云空同道士鄒訢

愚案文公雖托名於人其實鄒訢即公姓名也

又論參同

參同所言坎離水火龍虎鉛汞之屬只是精氣二者精水也坎也龍也汞也氣火也離也虎也鉛也其法以神運精氣結為丹陽氣在下初融成水以火鍊之凝成丹內外異色如鴨子卵真成此物參同契文章極好讀得不枉曰二用无爻位周流行六虛用九用六亦坎離也

六虛乾坤之六位言二用雖无爻位而常周流六位之間猶人精氣上下周流一身而无定所也

見語錄餘不盡載

又論龍虎上經

黃義剛問曾景建謂參同本是龍虎上經果否曰不然蓋是後人見魏伯陽傳有龍虎上經一句遂偽作此經皆是體參同而為故有說錯處如二用六虛却錯說作虛危去又曰世云龍虎經在參同之先李通亦以為好及得觀之不然乃隱括參同之語而為之也

見語錄

郭氏洞林

案洞林上中下三卷晉河東郭璞景純之所撰也本傳云璞好經術博學高才受業郭公得青囊書九卷遂洞五行天文卜筮之術禳災轉禍通致无方嘗撰前後筮驗六十餘事名為洞林又抄京費諸家要撮更撰新林十篇卜韻一篇世皆罕有其書余從王浩古仲氏楚翁才古得洞林書撮抄其事之重大者一二於左以見一書之大槩云

歲在甲子正月中丞相揚州令余卦安危諸事如何得

咸䷞之井䷯案卦東北郡縣有武名地當有銅鐸

六枚一枚有龍虎象異祥

兌為金金有口舌來達號令者銅鐸也山陵神氣出此則

丞相創以令天下見在丑地則金墓也起之以卦為推立之應晉陵武進縣也

又當犬與豬交

者

狗變入居中鬼與相連其事審也戌亥世應土勝水二物相交象吾和合為一體此丞相雄有江東也

民當以水妖相警

歲在水位而水爻復變成坎當出大水之象以此知其靈應異木成言果

又妖生二月變為鬼戌土所克果无他水乃金子來扶其母是亦丞相將興之象也

西南郡縣有

陽名者井水當自沸

卦變入井內丙午變而犯升陽故知井湧也於分野應在歷陽虎

來入州城寺

兇者虎出山而入門闕正月戌為天煞即刺史宅虎屬寅與月并而來此大人將興

之東方當有蟹鼠為災必食稻稼

有離體眼相連之象艮為鼠又煞陰在子

子亦鼠而歲子來寅卯故知東方有災

又當以鷺應翔為瑞

鷺有象鳥而為徵以應象

出其相其應將登其祚也

其年晉陵郡武進縣民陳龍果於田中得

銅鐸六枚言六者用坎數也銅者咸本家兌故也口有

龍虎文又得者名龍益審陳土姓金之用進者乃生金

也丹徒縣流民趙子康家有狗與吳人豬相交其年六

月天連雨百姓相驚妖言云當有十丈水翕然駭動无

幾自靜又衆人傳言延陵大陂中有龍生草蓐復數里

竟不知其信否其明年丑歲九月中吳興臨安縣民陳

嘉闕親得石瑞此祥氣之應也六月十五己未日未時

歷陽縣中井水沸湧經日乃止陰陽相感各以其類亦

是金水之應也六月晦日虎來州城浴井中見覺便去其

秋冬吳諸郡皆有蟹鼠為災鼠為子子水蟹亦水物皆

金之子晉主初登祚五日有羣鷺之應此論一歲異事

略舉一卦之意惟不得臘中行刑有血逆之變將推之

不精亦自无徵不登於卦乎

死者晉陵令
淳于伯也

攝提之歲晉王將即祚太歲在寅為攝提格余自通占

國家徵瑞之事得豫



之睽



案卦論之曰會稽

郡當出鍾以告成功王者功成作樂會稽晉王初所封國

又會稽山靈祥之所興也神出於家井者子爻并知此


實王者受命之事也上有銘勒坤為文章與天子爻并

故知晉王受命之事準此應在民間井池中得之鍾出

於民家井中者以象晉王出家而王也金以水為子子

相扶而生此即家之祥徵事也由應所謂先王作樂崇德殷薦之上帝言王者祭天以告成功亦安樂无復事也其後歲在執徐會稽郡剡縣陳青井中得一鍾長七寸四分口徑四寸半器雖小形製甚精上有古文奇書十八字時人莫之能識蓋王者踐祚必有薦符塞天下之心與神物契合然後可受命觀鐸啟號於晉陵鍾造成於會稽端不失類皆出以方夫人合際不可不察也愚案前一則洞林下卷之首後一則洞林下卷之終

皆取其事體之重者載之以見卜筮之有關於國家也如此

余鄉里曾遭危難因之災癘寇戎並作百姓遑遑靡知所投時姑涉易義頗曉分著遂尋思貞筮鉤求攸濟於是普卜郡內縣道可以逃死之處者皆遇明夷之象乃投策喟然歎曰嗟乎黔黎時漂異類桑梓之邦其為魚乎於是潛命娼妮密交得數十家與共流遁當由吳坂遇賊據之乃却回從蒲坂而之河北時草賊劉石

又招集羣賊專為掠害勢不可過於是同行君子皆欲

假道取便又未審所之乃令吾決其去留卦遇同人



之革



其林曰朱雀西北白虎東起

離為朱雀兌為白虎言火能銷

金之義

姦猾銜辟敵人束手

兌為口乾為玉玉在口中故曰銜辟

占行得此

是謂无咎余初為占尚未能取定眾不見從却退猗氏

縣而賊遂至諸人遑窘方計舊之從此至河北有一間

逕名焦丘不通車乘惟可輕步極險難過捕姦之數然

勢危理迫不可得停復自筮之如何得隨



之升



其林曰虎在山石馬過其左

兇虎震馬互艮山石

駁為功曹狷為

主者

駁狷能伏虎愚謂惜不注駁狷象

垂耳而潛不敢來下

兇虎去不能見

爰

升虛邑遂釋

恐誤

魏野

隨時制行卦義也升賊不來知无寇當魏則河北亦荒敗

便以

林義通示行人說欲從此道之意咸失色喪氣无有讚


者或云林迨悞人不可輕信吾知衆人阻貳乃更申命

候一月契以禍機約十餘家即涉此逕詣河北後賊果

攻猗氏合城覆沒靡有遺育

昌邑不靜復南過潁由脉頭口渡去三十里所傳高賊

屯駐柵斷渡處以要流人時數百家車千乘不敢前令

余占可決得泰 欣然語衆曰羣類避難而得拔茅

彙征之卦且泰者通也吉又何疑吾為前驅從者數十

家至賊界賊已去餘皆迴避櫟津渡為賊所劫人僅得

在悔不取余卦至淮南安豐縣諸人緬然懷悲咸有歸

志令余卦決之卜住安豐得既濟 其林曰小狐迄

濟垂尾累衰

言垂渡而困

初雖偷安終靡所依案卦言之秋

吉春悲卜詎壽春得否 其林曰乾坤蔽塞道消散

虎刑挾鬼法凶亂

十一月虎刑在午為鬼鬼即賊

亂則何時時建寅

鬼火

生僵尸交林血流漂

火刑與鬼并

此占行者入塗炭卜詣松

滋不吉卜詣合淝又不吉卜詣陽泉得小過



之坤



其林曰小過之坤卦不奇雖有旺氣變陽離

卜時立春

其氣變入坤中氣廢

初見勾陳被牽羈暫過則可羈不宜將見劫

追事幾危賴有龍德終无疵

十二月龍德在艮凡有月德終无患

於是諸

計皆不可伴人悉散乃獨往陽泉會壽春有事周馥反

為陽泉群凶所迫登時惶慮卒无所至乃至廬江其春

三月諸家住安豐者為賊所得所謂春悲也松滋合肥殘夷更相攻人无有全者

右二則前一則上卷之首後一則亦上卷內皆卜避難之事所謂林者自為韻語占決之辭也

義興郡丞仍叔寶得傷寒疾積日危困令卦得遯

之姤

艮為乾墓世主丑故卜時五月申金

其林曰卦象出墓氣家囚

身在丙午夏入辛亥在五月

爻墓充刑鬼煞俱

在變身見絕鬼潛遊

生戎為鬼墓而初六為戌刑刑在占故言充刑五月白虎在卯與月煞并也

卜病得此歸蒿

丘誰能救之坤上牛

以卜爻見丑為牛丑為子能扶身克鬼之厭虎煞上令伏不動若

依子色吉之尤

巽主辛丑丑為白虎金色復徵以和解鬼及虎煞皆相制也

案林即

令求白牛而廬江荒僻卒索不得即日有大牛從西南來詣途中仍留一宿主人乃知過將去去之後復尋挽斷網來臨叔實叔實驚愕起病得愈也此即救禦潛應感而遂通

此一則係上卷卜疾有自然救禦之道

丞相掾桓茂倫嫂病困慮不能濟令余卦得賁

之

豫 

其林曰時陰在初卦失度

卜時四月降陰在初而見陽爻此為失度

殺陰為刑鬼入墓

四月殺陰在申申為木鬼與殺陰并又身為卯變入乙未未是木墓

建

未之月難得度消息卦爻為扶助馮馬之師乃寡嫗

馬午

午為火馮亦馬申是殺陰以火姓消之巽為寡婦

自然奇救宜殮兔

兔屬卯所謂破墓出

身子若恤之得守故茂倫歸求得免令嫂食之便心痛

不可堪於是病愈東中郎參軍景緒病經年不瘥在丹

徒遣其弟景岐來卦六月癸酉日得臨  之頤 

其林曰卯與身世并而扶天醫



六月天醫在卯

案卦病法當食

兔乃瘥弟歸捕獲一頭食之果瘥

右二則前一則在上卷此一則在中卷皆卜病皆以食兔愈病也

余至揚州從事弘泰言家時坐有衆客語余曰家適有祥試為卦若得吉者當作二十人王人即為卜之遇豫

之解 其林曰有釜之象无火形 不見離也 變見夜光連

月精 坎為月 潛龍在中不游行 言蟠者 案卦卜之藻盤鳴金

妖所憑无咎慶藻盤非鳴或有鳴者其家至今无他弘

泰言大駭云前夜月出盥盤忽鳴中有盤龍象也

右一則亦中卷此可謂占法之奇中者卷內他皆稱是難以盡書姑錄此八則亦可槩見矣

洞極真經

愚案洞極真經莫知作者而元魏闕朗子明之所傳次也雖无預於易然序本論述聖人本河圖以畫卦朱子啟蒙之所援證其為極也又起於洛書之數以北方一為生之式西南二為育之式東方三為資之式而極有一畫矣又以東南四為生之式中央五為育之式西北六為資之式而極有二畫矣又以西方七為生之式東北八為育之式南方九為資之式而

極有三畫矣每一極演而為九三九二十七而極終
亦猶近世蔡氏皇極內篇演洛書之數至於九九八
十一也其為書也生傳一資傳二育傳三論上四叙本
一明變二極數三論下五體用六為用七為擬八次
原名四原德五為九互為十極圖十一
子明自為之序今錄序及生資育三極與二論要者
于左以見一書大略云

序

朗業儒蓄書積數世矣自六代祖淵會鼎革之亂徙家

于汾河所藏之書散逸幾盡其秘而存者唯洞極真經而已六世祖嘗謂家人曰洞極真經聖人之書也吾後數世當有賢者生如得其用功不下於稷契倘不時偶其顏淵之流乎是經之蘊當可明也朗幸生其族得聞遺言於祖父敢不勉勉以發揚先祖之意乎因伏讀累年思以傳次然而性蒙識泥不能洞達聞崆峒山有秣先生者世之異人也故往師焉至之幾歲孜孜焉未嘗敢廢弟子之禮一日齋戒盥沐發卷以請其蘊先生乃

掩卷而歎曰此天地之樞機聖賢之壺奧也潛而不傳也久矣子孰從而得之朗具以先祖之言告先生因為朗著翼以明其大端作則以指諸人事於是洞極之義煥然可詳朗既得而歸有頃聞先生已飛昇矣嗚呼聖人之言將假先生而視諸人耶將不可使下民知之耶不然何先生之傳而不留矣朗以謂天以先生而啟之而不可以先生盡之使盡之者其非朗乎因以先生之翼則附于經又編其遺言為洞極論凡十一篇復作傳

以釋其蘊為圖以序其為庶乎來者知洞極之道焉時
太和末年正月上休日序

生傳第一

三 生式生式 生洪明正一式冥庠傳曰冥物始生也一式

形庠為傳曰形庠為質始成也一式罔不利傳曰罔不
利濟於用也翼曰陽秉日生洪哉大也明哉正哉極也
惟生故能大盛而極焉則曰聖人以化育天下 次萌
息華茂止安煥實通九傳

資傳第二

䷋ 資 式資

資天生地育而人資翼曰取天地之道曰資

觀其資三極之情可見矣則曰聖人以順天地而創法
立制三式資其象以制服器傳曰資其象制服器也三
式資其器以闢田里以興地利傳曰資其器興地利也
三式資其用以化育兆姓傳曰資其用化育兆姓其道
大也 次用達興紊悖靜平序通九傳

育傳第三

䷉ 育 式 育 式

育洪明翼曰陰能成陽之生曰育育則洪洪

然後正則曰君子以承君闡化以育兆姓二式女子育於家正臧傳曰女子育於家育在內也不正則否正乃臧也二式乃蟄乃萌育於田傳曰乃蟄乃萌育于田也二式利用獲傳曰利用獲育道成也次和塞作燦幾抑冥通通九傳

叙本論

并圖

生 ䷉ 興 ䷉ 達 ䷉ 實 ䷉ 萌 ䷉ 通 ䷉ 茂 ䷉ 息 ䷉ 抑 ䷉

煥  華  幾  安  育  靜  序  止  冥 

燠  紊  用  和  悖  塞  作  平  資 

子曰河圖之文七前六後八左九右聖人觀之以畫八卦是故全七之三以為離奇以為巽全八之三以為震奇以為艮全六之三以為坎奇以為乾全九之三以為兌奇以為坤正者全其位偶者盡其畫易曰四象生八卦其是之謂乎洛書之文九前一後三左七右四前左二前右八後左六後右後聖稽之以為三象是故一為

生之式四為生之式七為生之式二為育之式五為育之式八為育之式三為資之式六為資之式九為資之式因而變以成二十有七為

明變論

并圖

生  煥  實  興  燿  茂  達  序  和 

資  抑  用  作  冥  塞  平  通  幾 

育  萌  華  安  悖  止  靜  息  紊 

三 生之象育乘其式而為煥  乘其式而為實  乘其

式而為興 ䷶ 資乘其弋而為燧 ䷧ 式而為茂 ䷖ 式而為達 ䷶ 育一資式而為序 ䷶ 育式資弋而為和 ䷶

䷶ 育之為生乘其弋而為萌 ䷶ 式而為華 ䷶ 式而為安 ䷶ 資乘其弋而為悖 ䷶ 式而為止 ䷶ 式而為靜 ䷶ 生弋資式而為息 ䷶ 生式資弋而為紊 ䷶

䷶ 資之為生乘其弋而為抑 ䷶ 式而為用 ䷶ 式而為作 ䷶ 育乘其弋而為冥 ䷶ 式而為塞 ䷶ 式而為平 ䷶ 生弋育式而為通 ䷶ 生式育弋而為幾正 ䷶ 此之謂變為之

道也

極數

子曰天一地二人三天四地五人六天七地八人九三

極之數四十五天有十二

七一四

地有十五

八二五

人有十

八三六九

審其數而畫之三十有九則式

除天地人六數外有三十九數

歸之四十有二則式

除人三數外有二歸之地

四十有五則式

洛書

全數歸之於人

生之策百一十七

三畫計三十九

育之策百二十六

三畫

計四資之策百三十五

三畫計四十五

遺其餘則三百有六十

當期之日

愚計三策之數本甚不合遺其餘七六五然後合三百六十之數易計乾坤之策三百六

十不如是也未敢以為然顯冥之道盡矣

原名

朗問曰經取極名之何謂也子曰形而上者謂之天日月星辰皆天也形而下者謂之地山川草木皆地也命于其中者謂之人戎狄禽魚皆人也酌其源則流可知矣視其表則影可見矣達於此者其知經之名乎

愚案此唐

韓文公原人之文也豈崆峒山人先得其所欲言者乎愚不能無疑

原德

子曰物无不受之謂洪物无不罙之謂明於物无欺之謂正君子體洪臨下明以修性正以治德故曰洪明正

次為論

并圖

生  萌  息  華  茂  止  安  熈  實 

資  用  達  興  紊  悖  靜  平  序 

育  和  塞  作  煥  幾  抑  冥  通 

天地闢萬物生生必萌萌而後息息而華華則茂物不

終茂故所以止止然後安安則得其燧燧則實實則可
以資矣資必有所用用然後達達則能興物不終興興
久則紊紊則悖治悖莫若靜靜則平平則有序序則可
以育矣育然後歛物不終歛歛久則塞決塞必有作作
則煥煥則幾乎正矣至正必有抑抑則冥物不終冥故
以通而終焉

衛氏元包

愚案元包者後周衛元嵩之所作也祖京房易傳八
宮卦以坤宮八卦為元包太陰卷一乾宮八卦為元
包太陽卷二次兌宮八卦為少陰次艮宮八卦為少
陽次離宮八卦為仲陰次坎宮八卦為仲陽次巽宮
八卦為孟陰次震宮八卦為孟陽運著第九說源第
十凡十卷唐蘇源明傳李江注今錄其序及乾坤二
卦傳於左以見一書之大槩云

元包序

包之為書也廣大含弘三才悉備言乎天道有日月焉有雷雨焉言乎地道有山澤焉有水火焉言乎人道有君臣焉有父子焉理家為政之尤者昔文質更變篇題各異夏曰連山殷曰歸藏周謂之易而唐謂之包包者藏也言善惡是非吉凶得失皆藏其書觀乎囊括萬有籠罩八紘執陶鑄之鍵啓乾坤之局孕覆育載通幽洞冥窮天人之秘研造化之精推興亡之理察禍福之萌與鬼神齊奧將日

月齊明可謂六五經而四三易雖太玄莫之與京然文字
奇詭音義譎怪紛而不擇隱而不明者得非遭於離亂與
作易者其有憂患乎蓋所謂憂亂而患小人也故其辭詭
衛先生近之矣秘書少監武功蘇源明洗心澄思為之修
傳解紛以釋之索隱以明之帝王之道顯然昭著有以見
理亂之兆有以見成敗之端江考於訓詁耽於講習輒演
玄義庶傳乎好學者焉國子監四門助教趙郡李江注
元包太陰卷第一

傳曰理亂相糺質文相化亂極而先乎太易文弊而從

乎巨包聖人以道也賢人以發也易始乎乾文之昭也

以行包始乎坤質之用也以靖行者所以動天下之務

靖者所以默天下之機太陰太陽潛相貞也少陰少陽

潛相成也充

乎廣反

并

莫榜反
衆草

莫默地之興也顛

山彌偏反覆

也

馬茅反
裏也

盈天之昌也仍而通之極乎三十六全而

虧之存乎六十四其肯微其體正語則直義則直然而

不誣觀其辭則

危蘊反
高也

然而不及挽

魚底反

一以布氣

藏萬以植言斯道君子之幾也夫誠至君子之為也夫
於戲流于睿監講於太學伏而惟之使自怡之歸人於
至和示人以太樸已矣



坤亢苴莫默辰

牛林反辰也

森困

匿甲反

匿靖而不躁樸

而不飾羣類罔

昊和反化也

育庶物甡植厥施惟熙厥勲惟

極傳曰亢者春之熙苴者夏之茂莫者秋之落默者冬
之潛母萬物者熙然足以布和茂然足以長物落然足
以育衆潛然足以正極坤道備此四德故曰亢苴莫默

辰者言其衆森者言其植困者言其受匿者言其藏皆地之性也靖而不躁陰之德也樸而不飾質之禮也羣類罔育所化者衆也庶物甞植所生者多也厥施惟熙其賚廣也厥勲惟極其功大也昔王體之以立政侔之以行簡尚乃儉務乃素无起徵修无勤動為惟爾衆它不順

元包太陽卷第二

䷀ 乾顛亡乃盈亦燾幹縈揭而不憇駁而克明四叙

既命萬類既生厥造惟弘厥勲惟宏傳曰顛者仁之高
者仁之覆者禮之矜盈者信之充育萬物者仁高
足以濟衆義覆足以利物禮矜足以崇德信充足以布
氣乾道備此四德故曰顛者盈者燾幹縈何謂也亦
者言其大燾者言其溥幹者言其運縈者言其周皆天
之象也揭而不慙陽之用也駁而克明文之照也四叙
既命寒暑變易也萬類既生品物滋長也厥造惟弘其
惠廣也厥勲惟宏其功極也昔王揣之以行化規之

以立制發聲明盛文物无略威儀无簡禮度


潛虛

潛虛者宋太師溫國公司馬光君實之所作也公雅好太玄自謂玄以準易虛以擬玄其作書之意可見矣朱文公謂潛虛只是吉凶臧否平王相休囚死潛虛後截是張行成績不押韻見得今錄其要者于左以見一書之大槩云

萬物皆祖於虛生於氣氣以成體體以受性性以辨名名以立行行以俟命故虛者物之府也氣者生之戶也

體者質之具也性者神之賦也名者事之分也行者人之務也命者時之遇也

氣圖



體圖

				王		
原	原					
左右						
				公		
原	焚	焚	焚			
左右	左右					
						岳
原	本	焚	本	本	本	
左右	左右	左右	左右			
						牧
原	甘	焚	甘	本	甘	
左右	左右	左右	左右			
X		X		X		率
原	焚	本	甘	甘	甘	
左右	左右	左右	左右	左右	左右	
T		T		T		侯
原	委	焚	委	本	委	
左右	左右	左右	左右	左右	左右	
						卿
原	焚	本	焚	甘	焚	
左右	左右	左右	左右	左右	左右	
						大夫
原	末	焚	末	本	末	
左右	左右	左右	左右	左右	左右	
						士
原	刃	焚	刃	本	刃	
左右	左右	左右	左右	左右	左右	
						庶人
原	十	焚	十	本	十	
左右	左右	左右	左右	左右	左右	

一等象王二等象公三等象岳四等象牧五等象率六等象侯七等象卿八等象大夫九等象士十等象庶人一以治萬少以制衆其惟綱紀乎綱紀立而治具成矣心使身身使臂臂使指指操萬物或者不為之使則治道病矣卿詘一大夫詘二士詘三庶人詘四位愈卑詘愈多所以為順也詘雖多不及半所以為正也正順蔑墜之大誼也


性圖

一	☰金	一	☷木	一	☲火	一	☵水
二	×土	二	☰金	二	☷木	二	☲火
三	丁水	三	×土	三	☰金	三	☷木
四	丁火	四	丁水	四	×土	四	☰金
五	☷木	五	丁火	五	丁水	五	×土
六	☰金	六	☷木	六	丁火	六	丁水
七	十土	七	☰金	七	☷木	七	丁火
八	一水	八	十土	八	☰金	八	☷木
九	☲火	九	一水	九	十土	九	☰金
十	☷木	十	☲火	十	一水	十	十土

×	土	一	水
一	水	二	火
二	火	三	木
三	木	四	金
四	金	五	土
五	土	六	水
六	水	七	火
七	火	八	木
八	木	九	金
九	金	十	土

凡性之序先列十純十純既決其次降一其次降二其次降三其次降四最後五配而性備矣始於純終於配天地之道也

名圖



一六置後二七置前三八置左四九置右通以五十五
行叶序印而瞻之宿躔從度印則為莧頰則為墜印得
五宮頰得十數元餘者物之始終故无變齊者中也包
幹萬物故无位奧至之氣起於元轉而周三百六十四
變變尸一日乃授於餘而終之以步莧軌以叶歲紀人
之生本於虛虛然後形形然後性性然後動動然後情
情然後事事然後德德然後家家然後國國然後政政
然後功功然後業業終則返於虛矣故萬物始於元著

於裒

蒲侯反

存於齊消於散訖於餘五者形之運也柔剛

雍昧昭性之分也容言慮聆覲動之官也繇儕

賤西反

得

罹耽

都含反

情之誅

恤

也苒卻庸安

吐火反

蠢

天尹反

事之變

也訕

刃

宜忱詰戛德之塗也特偶暱續考家之綱也范

徒醜隸林國之紀也裡

因

準資賓或政之務也數

効

又績

育聲功之具也興痛

鋪

泯造隆業之著也為人上者將

何為哉養之教之理之而已養之故人賴以生也教之

故人賴以明也治之故人賴以乂也夫如是故人愛之如

父母信之如卜筮畏之如雷霆是以功成而名白也夫
為人上而不能養則人離叛矣養而不能教則人殺亂
矣教而不能治則人抵捍矣三具者亡而祈有功名可
得乎

印仰 莧天 頰俯 墜地 臬冬 遂後 戢戎

行圖

變圖

解圖

二元

慎於舉趾差則千里機正其失

慎於舉趾差則遠也

元始也夜半好學智之始

日之始也朔月之始也力行道德之始也

也冬至歲之始也任人治亂之始也

川衷

初

進而後而俟其聚不可苟必進後也信而利用正

衷聚也氣聚

二

人倮而繁獸猛而殫

人倮而繁善以道羣也

而物宗族聚

三

百毒之聚勝者為主惟物之蠱

百毒之聚祇害人也

而家聖賢聚

四

羽毛鱗介各從其彙

羽毛鱗介聚以倫也

五

菟絲之芬附草絕根

菟絲之芬不知固根也

六

八音和鳴
神祇是聽

八音之哀感神明也

上

雲還于山
冰泮于川

雲還冰泮聚極必分也

愚案自裒至散凡五十二皆然散後有餘齊併具于左

何餘

堯舜之德禹禪之績堯舜周孔垂世無窮
周規孔式終天無數也

餘終也天過其度日之餘也朔不滿氣月之餘也日不
復次歲之餘也功德垂後聖賢之餘也故天地无餘則
不能變化矣聖賢无
餘則光澤不遠矣

XX齊

衆星拱極萬夫
湊的必不可易

衆星萬夫誰能易中
也

齊中也陰陽不中則物不生血氣不中則體不平剛柔
不中則德不成寬猛不中則政不行中之用其至矣乎

命圖上

昭	昧	雍	剛	柔	衷	
六	二	三	四	五	六	吉
四	四	二	六	四	四	臧
二	五	五	五	三	二	平
五	六	六	二	六	五	否
三	三	四	三	二	三	凶
范	考	續	暱	偶	特	
五	六	二	三	四	五	吉
四	四	四	二	六	四	臧
三	二	五	五	五	三	平
六	五	六	六	二	六	否
二	三	三	四	三	二	凶

命圖下

容

五

四

三

六

二

徒

四

六

五

二

三

言

四

六

五

二

三

醜

三

二

五

六

四

慮

三

二

五

六

四

隸

二

四

五

六

三

聆

二

四

五

六

三

林

六

四

二

五

三

覲

六

四

二

五

三

裡

五

四

三

六

二

繇

五

四

三

六

二

準

四

六

五

二

三

憐

四

六

五

二

三

資

三

二

五

六

四

得

三

二

五

六

四

賓

二

四

五

六

三

訥	蠹	安	庸	卻	葺	耽	罹
五	六	二	三	四	五	六	二
四	四	四	二	六	四	四	四
三	二	五	五	五	三	二	五
六	五	六	六	二	六	五	六
二	三	三	四	三	二	三	三
痛	興	聲	育	績	理	數	戒
四	五	六	二	三	四	五	六
六	四	四	四	二	六	四	四
五	三	二	五	五	五	三	二
二	六	五	六	六	二	六	五
三	二	三	三	四	三	二	三

夏	喆	忱	宜
六	二	三	四
四	四	二	六
二	五	五	五
五	六	六	二
三	三	四	三
散	隆	造	泯
五	六	二	三
四	四	四	二
三	二	五	五
六	五	六	六
二	三	三	四

元餘齊三者元變皆不占初上者事之始終亦不占

揲法 上下同

五行相生得二十五以三才乘之得七十五為策虛五用七十分為二取左一掛於右揲左以十觀其餘扞之

復合為一再分之掛揲右如左法左主右客先主後客
陽先客後主者陰觀其所合以名命之既得其名又合
著分之陽則置右而揲左陰則置左而揲右生純置右
成純置左揲以七所揲之餘為所得之變觀吉凶臧否
平而決之陽用其顯陰用其幽幽者吉凶臧否與顯戾
也欲知始中終者以所筮之時占之先體為始後體為
中所得之變為終變已主其大矣又有吉凶臧否平者
於變之中復細別也不信不筮不疑不筮不正不筮不

順不筮不蠲不筮不誠不筮必蠲必誠神靈是聽

玄以準易虛以擬玄玄且覆瓿而況虛乎其棄必矣
然子雲曰後世復有揚子雲必知玄吾於子雲雖未
能知固好之矣安知後世復無司馬君實乎

朱文公辨證

紹興己巳洛人范仲彪炳文客崇安予得從之遊炳文
親唐鑑公諸孫嘗娶溫國司馬氏其多藏文正公遺墨
嘗示余以潛虛別本則其所闕之文尚多問之云溫公

晚著此書未竟而薨故所傳止此蓋嘗以其手藁屬景迂晁公補之而晁不敢也近得泉州季思侍郎所刻則首尾完具遂无一字之闕始復驚異以為世果自有完書而疑炳文語或不可信讀至剛行遂釋然曰此贗本也人問何以知之余曰本書所有句皆協韻如易彖文象玄首贊測其今有而昔无者行變尚協而解獨不韻此蓋不知也字處末則止字為韻之例耳此人好作偽書而尚不識其體制固為可笑然亦幸其如此不然則

幾何而不遂至於偏真也耶亟以書扣季思此本果家
世之舊傳否邪則報曰得之某人爾於是益知炳文為
不妄嘗欲私記本末以訂其謬而未暇今復得鄉人張
氏印本乃泉本之所自出於是始出舊書授學者使以
相參凡非溫公之舊者悉朱識以別之使覽者有以考
焉

皇極經世書

皇極經世書者宋康節先生邵子之所作也

論已見此篇首

題辭

今略述先生祖先天方圓圖演數之法以見作用

之大旨若夫推步之精知來之神愚何能闢於其藩
所願學焉而未敏也因得友人查伯復顏叔俞邦翰
孟宣相與講之粗知其說云

經世本先天方圓圖說

康節先天之易尚象而不尚辭觀物篇有所謂律呂圖

聲音圖八卦交為十二辰圖十二辰交而為十六位圖
太極圖既濟陰陽圖掛一圖三千六百年圖諸圖之傳
並無一字言其所以然蓋欲示不言之教如伏羲六十
四卦初无言語文字也然其圖雖多特只本之先天六
十四卦方圓圖且以先天圖言之圓圖象天包於地外
方圖象地處於天中是一大陰陽相配也分圓圖而觀
乾兌離震居左為天卦巽坎艮坤居右為地卦分陰陽
主兩儀而主運行不息之事分方圖而觀西北十六卦

天卦自相交東南十六卦地卦自相交其斜行則乾兌
離震巽坎艮坤自西北而東南皆陰陽之純卦也不能生
物西南十六卦天去交地天卦皆在上而生氣在首故
能生動物而頭向上東北十六卦地去交天天卦皆在
下而生氣在根故能生植物而頭向下其斜行則泰損
既濟益恒未濟咸否自東北而西南皆陰陽得偶之合
也所以能生物也又合二圖而觀方圖乾處圓圖亥位
謂之天門是天氣下降也方圖坤處圓圖巳位謂之地

戶是地氣上騰也此兩十六卦所謂陰陽互藏其宅也
方圖泰處圓圖寅位謂之鬼方方圖否處圓圖申位謂
之人路此兩十六卦是天交地地交天而生生不息所
以夫居寅而否居申所謂陰陽各從其類也夫圓圖主
運行之事方圖主生物之事運行者氣也生物者質也
氣非質則无所附麗質非氣則豈能生物哉康節經世
書本先天方圓圖其作用大略如此

查顏叔

經世要旨

先天之學本來只是先天六十四卦大橫圖一一八八之序橫圖者卦之所以列一一八八者數之所由肇卦之於數猶形之於影耳由是取橫圖復至乾三十二卦自北歷東以至于南取姤至坤三十二卦自南歷西以終於北以應天之運而天根月窟自然之理不假作為莫不對待而圓圖立矣取橫圖乾一宮之八卦自乾至泰橫布於圓圖之內而兌二宮之八卦自履至臨加布於乾宮八卦之上餘六卦以次橫列而乾居西北坤居

東南否泰陰陽之交居於東北西南以應地之方橫斜
曲直之妙理无窮而方圖立矣若夫圓圖之發用則以
乾兌離震三十二卦為陽為在天日月星辰之四象為
元會運世之大四象震離二宮為陽中陰兌乾二宮為
陽中陽又分天道之陰陽太少坤艮坎巽三十二卦為
陰為在地水火土石之四象為歲月日時之小四象巽坎
為陰中陽艮坤為陰中陰又分地道之柔剛太少其數
則自一一二二以至八八並以十二三十累因而為分

抄之數

全數悉具觀物篇中如天地各十六象皇帝王伯走飛草木等錯綜數暢之妙自見本篇今不

繁具

若夫方圖之取用則分為四片西北十六陽卦為天

卦而乾主之東南十六陰卦為地卦而坤主之否泰所

主各十六卦是為陰陽之交既濟之卦其圓圖陽卦主

元會運世凡三百六十運四千三百二十世十二萬九

千六百年皆有當時直事之卦

沂其始如星甲辰子之直事卦所謂畫前有易

也直事卦者即掛一卦也運世年月皆有之以掛一全卦之序分去如每運每世每年每月並用四爻直之其餘爻即閏爻也為說甚多今不繁具

或以世卦配運卦或以年卦配世卦

須合方圖天地卦分位置左右

若世卦配運則運卦居左年卦配世則世卦居

左左為天卦右為地卦

須變爻變卦以合方圖攷大四象掛一之卦以求分數

攷大四象元會運世是何位即合掛一何卦亦得其位之分數矣但案掛一本圖可見也以此所得

之掛一某卦而質於圓圖以察理亂休咎而圓圖陰卦

為歲月日時主動植事物自有律呂聲音數合方圖天

地卦位置左右

聲陽居左音陰居右

橫看既濟卦攷大小四象而得

掛一之卦以求分秒二數

人用分物用秒

亦質於圓圖以觀減

否謂得掛一卦以質之圓圖在何處如陽中陽則極治之時事物皆美陰中陰極亂之時事物皆惡陰中陽

亂而將治事物終美陽中陰治而將亂事物終惡又察其陰陽進退饒乏卦氣發斂屈伸之類凡古今

治迹只是憑一定之卦以推步動植事物則隨時取聲

音數以求卦而占測也

一定卦者掛一之序也聲音者方圖天地卦以求得掛一卦也

所謂經者猶言經緯之經亦有經綸之義觀天之數以

元經會者猶以十二會為經而三百六十運以下為緯

觀地之數以會經運者猶以二百五十運為經而以二

千九百八十世以下為緯觀人之數以運經世者猶以

一百二十世為經而以三千六百年為緯

謂一元則經之以會九會

則經之以運十運
則經之以世也

雖曰斷自唐虞以下而百世亦可推

也邵子志存斯世故惟以經世人事名篇但動植事物
之數雖屬圓圖陰卦而歲月日時之下分秒太細故以
四卷載律呂聲音之變而悉歸之方圖矣蓋方圓二圖
錯綜而用變動不居不可為典要也皇極取河圖天五
地六二中以立數取圓圖太少陰陽剛柔之倡和得一
萬七千二十四凡日月星辰之變水火土石之化律呂
聲音之實數同歸于此以此一萬七千二十四自乘得

二萬八千九百八十一萬六千五百七十六是為動植

通數而用之以取掛一卦二百五十六者也

以圓圖大
四象每元

之元一大位各全具六十四卦係十六之乘十六又四
其六十四也取掛一卦之法乃用前數二萬八千九百
八十一萬六千五百七十六是為九位掛其中五之位
看左右位陰陽進退消息虛張其說繁晦今故略之學
者但案邵子所傳掛一卦之定掛一卦起於元之元之
序攷之似不湏布籌以自惑也

元之元泰卦乃方圖東北之位終始萬物之義故運世

與年各用掛一全卦之序而直事仍取合於方圖天地

卦圓圖大小四象而後分秒之數歸宿矣

今當一元之
午會癸運酉

世即一歲之五月初十日酉時
也是謂大小四象○俞孟宣

經世與易名位不同

祝涇甫曰易以占為神極以筭為智占者聽圓變之著
以求將見之象筭者布一定之卦以御无窮之數占則
取驗於天神之研幾也筭則斷在人智之極深也神以
知來而未嘗不藏往智以藏往而未始不知來惟易之
與極其旨若相似而致用實不同易與極之八卦名同
而位殊爻同而旨異位之殊今先天後天之圖可識矣

旨之異則易之乾為天為金而極則為日為水之類也
易之坤為地為土而極則為水為雨之類也易之震為
雷為木而極則為辰為夜也易之巽為風為木而極則
為石為雷也坎為水為月者易也極則為土為露矣離
為火為日者易也極則為星為晝矣艮為山而今為火
為風兌為澤而今為月為寒矣自是充之非惟八卦取
象之異於易而吉凶悔吝亦大不同

觀物斷
決發題

愚謂極只

取伏羲卦畫不用文王周孔之辭故其作用之不同固

无怪其然矣

皇極內篇

案皇極內篇者蔡九峰先生之所作也先生名沈字仲默朱文公門人其意謂河圖更四聖而象已著洛書錫神禹而數不傳故作是書以究極其數其演數之法縱橫皆九位經之以一一一二至於九一九二而終之以九九緯之以一一二一至於九一九二亦終之以九九其筮法或以著或以木惜變數之法不傳莫能適諸用也今姑錄其要旨以見一書之槩云

序節文

體天地之撰者易之象紀天地之撰者範之數數者始於一象者成於二一者奇二者偶也奇者數之所以行偶者象之所以立故二而四四而八八者八卦之象也一而三三而九九者九疇之數也由是重之八而六十四六十四而四千九十六而象備矣九而八十一八十一而六千五百二十一而數周矣易更四聖而象已著範錫神禹而數不傳先君子曰洛書者數之原也余讀

洪範而有感焉上稽天文下察地理中參人物古今之
變窮義理之精微究興亡之徵兆微顯闡幽彞倫攸叙
秩然有天地萬物各得其所之妙歲月侵尋粗述所見
辭雖未備義則著矣嘉定戊寅長至蔡沈仲默父序

又 一 養	三 一 實	二 一 迅	丁 一 飾	三 一 庶
又 二 遇	三 二 賓	二 二 懼	一 二 厲	三 二 決
又 三 勝	三 三 危	二 三 除	丁 三 虛	三 三 豫
又 又 囚	三 又 堅	二 又 若	丁 又 昧	三 又 升
又 三 壬	三 三 革	二 三 疾	丁 三 損	三 三 中
又 丁 固	三 丁 報	二 丁 競	丁 丁 用	三 丁 伏
又 二 移	三 二 止	二 二 分	丁 二 卻	三 二 過
又 三 墮	三 三 戎	二 三 訟	丁 三 翕	三 三 疑
又 又 終	三 又 結	二 又 收	丁 又 遠	三 又 寡

川原 一之一

原元吉幾君子有慶

數曰原誠之原也幾繼之善也君子見幾有終慶也

一吉	一吉	一吉	一吉	一吉	一吉	一吉	一吉	一吉
川谷	川谷	川谷	川谷	川谷	川谷	川谷	川谷	川谷
川祥	川祥	川祥	川祥	川祥	川祥	川祥	川祥	川祥
川祥	川祥	川祥	川祥	川祥	川祥	川祥	川祥	川祥
川平	川平	川平	川平	川平	川平	川平	川平	川平
川悔	川悔	川悔	川悔	川悔	川悔	川悔	川悔	川悔
川災	川災	川災	川災	川災	川災	川災	川災	川災
川休	川休	川休	川休	川休	川休	川休	川休	川休
川凶	川凶	川凶	川凶	川凶	川凶	川凶	川凶	川凶

愚案此以後八十數皆依前圖次序而吉咎祥吝平
悔災休凶亦如此圖排定即此圖可以例其餘矣

筮

筮者神之所為乎其著五十虛一分二掛一以三揲之
視左右手歸餘於扚兩奇為一兩偶為二奇偶三也初
揲綱也再揲目也綱一函三以虛待目目一為一以實
從綱兩揲而九數具八揲而六千五百六十一之數備
矣分合變化如環元端天命人事由是較焉吉凶禍福
由是彰焉大人得之而申福小人得之而避禍君子曰
筮者神之所為乎大事用年其次用月其次用日其次

用時

周易本義啟蒙翼傳外篇

謹案第七頁前八行錄其詩數篇按易林係占詞
昔人固有收入漢人詩者然此當作詞為是

第七頁後三行酉陽雜俎訛組今改

第九頁前二行完顏亮入寇刊本完顏訛顏元據

金史改

第十一頁後二行五世八純天易刊本八譌入按
八純即八宮首卦也今改

第二十一頁後二行遊魂歸魂為鬼易刊本歸魂

訛歸遊今改

第六十三頁前四行中和流永情刊本永訛永據
參同契改


第六十六頁後二行咸卦圖刊本訛畫寔今改
第七十三頁前五行若得吉者當作二十人王人
案王人當作主人


第七十四頁後四行原德五刊本德訛名據本書

改

第一百二頁前五行掛一卦起於元之元之元之

元泰卦第二之字疑衍





總校官庶吉士臣張能照

校對官檢討臣郭寅

謄錄監生臣劉書